

**Granvin herad
Sakspapir**

Styre, komite, utval	Møtedato	Saknr	Sbh
Heradsstyre	10.12.2014	068/14	THL

Sakshandsamar: Trude Hoflandsdal Letnes	Arkivkode: K2-G40	Arkivsaknr: 12/401 - 9
--	------------------------------------	---

Uttale til ny klinikkstruktur for tannhelsetenesta

Vedtaksmynde: Heradsstyret.

Dokumentliste:

Nr	T	Dok.dat	Avsendar/Mottakar	Tittel
5	U	26.10.2012	Hordaland Fylkeskommune	Tillegg til uttale til endring av klinikkstruktur for tannhelsetenesta i Granvin
6	I	07.02.2014	Granvin tannklinikk	Samarbeidsmøte tannhelsetjenesten og kommunen
7	I	15.10.2014	Hordaland Fylkeskommune	Tannhelsetenesta klinikkstrukturplan - høyring
8	U	19.11.2014	Hordaland Fylkeskommune; Tannhelseavdelinga - Postmottak	Uttale til tannklinikkstrukturplan 2015 - 2030

Vedlegg: Uttale til ny klinikkstrukturplan for tannhelse 2015-2030

Dok.dat	Tittel	Dok.ID
19.11.2014	Uttale til tannklinikkstrukturplan 2015 - 2030	46924

RÅDMANNEN SITT FRAMLEGG TIL VEDTAK:

I ny tannklinikkstruktur for Hordaland legg fylkesutvalet opp til at tannklinikken i Granvin vert lagt ned.

Granvin herad meiner at det er naturleg at arbeidsgjevar og tilsette har ynskje om store klinikkar. Det er kostnadssparande for arbeidsgjevar, og det er tryggare og meir gjevande for dei tilsette. Men tannhelsetenesta er først og fremst til for brukarar av tenestene, og for dei betyr det mykje kor langt dei må reisa for å få tannbehandling.

Granvin herad oppmodar Hordaland fylkesting om å oppretthalda tannklinikken i Granvin.

10.12.2014 Heradsstyre

Rådmannen sitt framlegg vart samrøystes vedteke.

HS-068/14 VEDTAK:

I ny tannklinikksstruktur for Hordaland legg fylkesutvalet opp til at tannklinikken i Granvin vert lagt ned.

Granvin herad meiner at det er naturleg at arbeidsgjevar og tilsette har ynskje om store klinikkar. Det er kostnadssparande for arbeidsgjevar, og det er tryggare og meir gjevande for dei tilsette. Men tannhelsetenesta er først og fremst til for brukarar av tenestene, og for dei betyr det mykje kor langt dei må reisa for å få tannbehandling.

Granvin herad oppmodar Hordaland fylkesting om å oppretthalda tannklinikken i Granvin.

FAKTA:

Det visast til framlegg til Fylkesdelplan for tannhelsetenesta, klinikksstrukturplan 2015-2030 og høyringsbrev av 13.10.2014.

Fylkesutvalet har vedteke å sende forslag til ny klinikksstrukturplan 2015-2030 for tannhelsetenesta i Hordaland på høyring, med frist 15. desember 2014. Dei skriv på nettsida til fylkeskommunen at:

«Målet med planen er å utvikle ein klinikksstruktur innafor gitte rammer som kan tilby innbyggjarane i Hordaland stabile tannhelsetenester, inkludert spesialisttenester av høg fagleg kvalitet.

Klinikkane må ha ein storleik som gjer dei robuste til å ta hand om pasientane ved sjukefråvær, feriar og permisjonar. Storleiken på tannklinikkane er og avgjerande for at folkehelsearbeidet kan koordinerast med samarbeidspartane på ein effektiv og god måte».

I plandokumentet står det at Granvin er ein del av tannhelsedistrikt aust saman med Eidfjord, Ulvik, Ullensvang, Odda, Voss, Vaksdal og kvam. Det vert i det vidare lagt opp til to klinikkområde med tre klinikkar i distriktet; Voss, Odda og Norheimsund. Klinikkane på Lofthus, Granvin, Ulvik, Dalekvam og Vaksdal vert foreslått lagt ned. I tillegg til dei faglege vurderingane, vert endringa mellom anna grunngjeven med nye kommunikasjonsmønstre og reisevegar med Hardangerbru, Jondalstunell og tunell under Skjervet. Ein har også sett på folketalsutviklinga i regionen.

VURDERING:

Ordførar Ingebjørg Winjum har ført i pennen eit høyringsinnspel som peikar på det samfunnsmessige ulønnsame i å måtte flytte pasientar frå Granvin til Voss i staden for at klinikken i Granvin vert oppretthalde i med eit avgrensa tilbod til innbyggjarane. I uttalen blir det bedt om at tannklinikken i Granvin vert oppretthalde.



Hordaland Fylkeskommune
v/ Arne Åsan
Postboks 7900
5020 BERGEN

Dykker ref.: Vår ref.: 12/401-8 Arkivkode: K2-G40 Dato: 19.11.2014

Uttale til tannklinikksstrukturplan 2015 - 2030

Viser til framlegg til klinikksstrukturplan for tannhelsetenesta i Hordaland der det er lagt opp til nedlegging av tannklinikken i Granvin i 2015.

Granvin herad oppmodar Hordaland fylkesting om å oppretthalda tannklinikken i Granvin.

Dyrare tannhelsetilbod for brukaren og for heradet.

Ved å leggja ned tannklinikken i Granvin, legg Hordaland fylkesting kostnadane over på brukarane og på heradet:

- Storparten av skuleborna må ha følgje til tannlege på Voss. Det betyr at foreldre må ta fri frå arbeid 2-3 timer og sjølve køyra barnet til tannlege. I tillegg misser borna undervisningstid. Slik det er i dag vert den enkelte elev i barne- og ungdomsskulen henta frå klasserommet til tannlegekontoret som ligg i same bygget.
- Heradet må organisera og kosta skyss og følgje til tannlege for eldre, sjuke og utviklingshemma med rett til kommunale tenester.

«Faglege og samfunnsøkonomiske vurderingar».

På side 12 i planen står det: «Denne klinikksstrukturplanen byggjer på faglege og samfunnsøkonomiske vurderingar». Granvin herad kan ikkje sjå at situasjonar som i punkta ovanfor er teke omsyn til i dei samfunnsøkonomiske vurderingane som er gjort, og me opplever difor vurderingane i høyringsnotatet som mangelfulle. Det kan umogeleg vera god samfunnsøkonomi at 90 elevar frå Granvin skal reisa til Voss for tannbehandling, mot at tannlegen kjem til Granvin og yter tenestene her.

Det bør vera sjølvsagt at regionale styresmakter har ansvar for den totale samfunnsøkonomien ved slik omstrukturering, der me opplever at det så godt som aldri vert teke omsyn til kva det gjer med distrikta at den eine fylkeskommunale og statlege tenesta etter den andre vert sentralisert.



Postadresse:

Postboks 13
 5733 Granvin

Internettseite:

www.granvin.kommune.no

Telefon:

56 52 40 00

Telefaks:

56 52 40 01

E-post:

postmottak@granvin.kommune.no

Org.nr.:

844162502

Bankkontonr.:

6501 05 67305

Postgirokontonr.:

0803 5786504

På side 10 i høyringsnotatet står det «For å kvalitetssikra tenestene og stabilisera kompetansen har både arbeidsgjevar og tilsette eit felles ønskje om å etablera store klinikkar med gode faglege miljø.» Det er viktig å ha solide fagmiljø i tannhelsetenesta. Det er truleg rett veg å gå. Dette meiner me likevel kan kombinerast med kontortid ute i distrikta, slik at innbyggjarane kan få tenestene nær der dei bur samtidig som tannlegen er knytt til eit stort fagmiljø.

Det er naturleg at arbeidsgjevar og tilsette har ynskje om store klinikkar. Det er kostnadssparande for arbeidsgjevar, og det er tryggare og meir gjevande for dei tilsette. Men tannhelsetenesta er først og fremst til for brukarar av tenestene, og for dei betyr det mykje kor langt dei må reisa for å få tannbehandling.

Granvin herad


v/Ingebjørg Wijnjum
Ordførar

Postadresse:	Telefon:	Telefax:	Org.nr.:	Bankkontonr.:	Postgirokontonr.:
Postboks 40 5733 GRANVIN e-post: postmottak@granvin.kommune.no	56 52 40 00	56 52 40 01	844162502	6501 05 67305	0803 5786504